

ZAPISNIK

sa šesnaeste redovne sjednice Upravnog odbora Univerziteta u Tuzli održane u srijedu 30.11.2022. godine, sa početkom u 14,00 sati u Sali za sjednice Rektorata Univerziteta u Tuzli

Na šesnaestoj redovnoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, Adela Mustafagić Šaldić, dr.sci. Kenan Mandžić, red.prof., dr.sci. Anita Petrović, vanr.prof. i Emina Duranović, student.

Sjednici nije prisustvovao član, dr.sci. Franc Andrejaš, vanr.prof., koji je izostanak opravdao (bolovanje).

Osim članova Upravnog odbora sjednici su prisustvovali: Rektorica Univerziteta, dr. sc. Nermina Hadžigrahić, red.prof., te u svojstvu izvjestilaca po pojedinim tačkama dnevnog reda: Direktor za ekonomske poslove Husein Matović, dipl. ecc. i Viši stručni saradnik za radne odnose Haris Delić, dipl. pravnik.

Sjednici je prisustvovao i Ahmo Muhić, viši stručni saradnik.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio šesnaestu redovnu sjednicu Upravnog odbora.

Dao je na usvajanje predloženi dnevni red. Kako nije bilo prijedloga za izmjene i deopune predloženog dnevnogreda, Upravni odbor je za ovu sjednicu jednoglasno usvojio sljedeći

DNEVNI RED:

1. Donošenje Odluke o izmjeni Odluke o konstituisanju Upravnog odbora Univerziteta u Tuzli
2. Usvajanje Zapisnika sa 14. Redovne sjednice Upravnog odbora Univerziteta u Tuzli
3. Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2022. godinu
4. Razmatranje prijedloga Odluke o izmjenama Odluke o usvajanju Plana nabavki NIR-a Univerziteta u Tuzli za 2022. godinu
5. Razmatranje prijedloga za izmjenu Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
6. Razmatranje prijedloga Odluke o usaglašavanju popisa osnovnih sredstava Univerziteta u Tuzli za 2021. godine
7. Razmatranje prijedloga Odluke o izmjenama Odluke o cijenama usluga naučno-istraživačkog i stručno-istraživačkog rada Fakulteta za tjelesni odgoj i sport Univerziteta u Tuzli
8. Razmatranje Zahtjeva [REDAKCIJA] za zaštitu prava iz radnog odnosa podnesenog po punomoćniku, Advokatu Amiru Moranjkoviću (prilog po Zaključku UO: Pismo Izjašnjenje Šefa Službe za pravne, kadrovske i opšte poslove i Višeg str. saradnika za radne odnose)
9. Razmatranje Inicijative Dekanice Akademije Dramskih umjetnosti za donošenje Pravilnika o Izmjenama i dopunama Pravilnika o usavršavanju zaposlenika.

Rad na sjednici:

TAČKA 1.

Donošenje Odluke o izmjeni Odluke o konstituisanju Upravnog odbora Univerziteta u Tuzli

Rektorica Univerziteta je upoznala prisutne članove Upravnog odbora da je Senat Univerziteta odlukom broj: 03-6342-1-11/22 od 18.11.2022. godine, nakon provedenog javnog Konkursa imenovao člana Upravnog odbora iz reda studenata, Eminu Duranović, studenta četvrte godine prvog ciklusa studija Medicinskog fakulteta. Konkurs je raspisan iz razloga što je raniji član Upravnog odbora iz reda studenata Amra Šehić, razriješena članstva zbog prestanka statusa studenta.

Nakon što je ostvario uvid u Odluku Senata, Upravni odbor je većinom glasova od ukupnog broja članova, donio

ODLUKU

o izmjeni Odluke o konstituisanju Upravnog odbora Univerziteta u Tuzli

I

U tački I Odluke o konstituisanju Upravnog odbora Univerziteta u Tuzli broj: 04-3350-1.1/21 od 16.07.2021. godine, broj 04-5017-1-1/21 od 30.09.2021. godine i broj: 04-5645-1-1/22 od 13.10.2022. godine, dodaje se nova podtačka 9. koja glasi:

“9. Emina Duranović, student, član.”

II

Ova Odluka stupa na snagu danom donošenja, a mandat člana Upravnog odbora iz tačke I ove Odluke traje dok imenovanoj traje status redovnog studenta, a najduže do 30.09.2025. godine.

U okviru ove tačke dnevnog reda Upravni odbor je donio i sljedeći

ZAKLJUČAK

Upravni odbor konstatuje da, prema pregledu prisustva članova Upravnog odbora na 14. redovnoj sjednici Upravnog odbora od 07.09.2022. godine, glasanje Amre Šehić, kojoj je na dan održavanja sjednice prestao mandat po sili Zakona, nije bilo od uticaja na validnost donesenih odluka i zaključaka.

TAČKA 2.

Usvajanje Zapisnika sa 14. Redovne sjednice Upravnog odbora Univerziteta u Tuzli

Bez primjedbi, zapisnik sa 14. redovne sjednice Upravnog odbora Univerziteta u Tuzli, jednoglasno je usvojen.

TAČKA 3.

Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2022. godinu

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc. Informisao je prisutne članove Upravnog odbora sa prijedlogom odluke po svakoj stavci čije se izmjene predlažu, te obrazloženjem za te promjene.

Nakon rasprave, Upravni odbor je većinom glasova od ukupnog broja članova donio

ODLUKU

o izmjenama Odluke o usvajanju Plana nabavki Univerziteta u Tuzli za 2022. godinu

I

U tački I Odluke o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine, broj: 04-1833-1-4/22 od 06.04.2022. godine, broj: 04-2352-1-10/22 od 27.04.2022. godine, broj: 04-2730-1-5/22 od 27.05.2022. godine, broj: 04-3305-1-2/22 od 15.06.2022. godine, broj: 04-3363-1-2.1/22 od 23.06.2022. godine, broj: 04-3646-1-1/22 od 01.07.2022. godine, broj: 04-4799-1-1/22 od 13.09.2022. godine i broj: 04-6039-1-9/22 od 31.10.2022. godine, **mijenja se iznos** (kolona 5) kod nabavke pod rednim brojem **79.**, **mijenja se iznos** (kolona 6) kod nabavke pod rednim brojem **80.** i **mijenja se iznos** (kolona 5. i 6) kod nabavke pod rednim brojem **88.** i glase:

R. br	Fakultet/org.je dinica	Ekonomski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2.	3.	4.	5.	6.	7.	8.	9.	10.	11.
79	UNIV	6139	Ugostiteljske usluge	1.500,00	4.000,00	500,00	6.000,00	Član 8. stav (1) ZJN	55300000-3	
80	UNIV	6139	Usluge reprezentacije (cvijeće, pokloni i ostalo)		5.000,00	1.000,00	6.000,00	Direktni sporazum	031221200-7 223120000-0	
88	UNIV	6139	Usluge medija	1.000,00	5.000,00		6.000,00	Direktni sporazum	9220000-3	

U koloni 5- Finasiranje iz budžeta, koloni 6 – Vlastiti prihodi i koloni 8 – Ukupno mijenjaju se ukupni iznosi na ekonomskom kodu 6139 i iznose: 2.500,00 (kolona 5) 292.800,00 (kolona 6) i 328.141,00 KM bez PDV (kolona 8).

U koloni 5, koloni 6 i koloni 8 mijenjaju se ukupni iznosi Plana nabavki za 2022. godinu i iznose: 584.680,00 (kolona 5) 2.999.745,00 bez PDV (kolona 6) i 4.194.150,40 KM bez PDV (kolona 8).

III

U ostalom dijelu Odluka o usvajanju Plana nabavki Univerziteta u Tuzli za 2022. godinu, ostaje nepromijenjena.

Obrazloženje

Rektorica Univerziteta u Tuzli, po punomoćniku prof. dr. sc. Jasminu Sulajgiću, dostavila je Upravnom Odboru Univerziteta Prijedlog sa obrazloženjem u kojem je navedeno da je Odjeljenju za javne nabavke dostavljen zahtjev od višeg stručnog saradnika u Odjeljenju javnih nabavki u kojem je obrazložena potreba za uvećenjem vlastitih prihoda na stavci 80. Usluge reprezentacije (cvijeće, pokloni i ostalo) jer su planirana sredstva u iznosu od 3.000 utrošena, a u periodu do kraja godine predstoje svečane promocije diplomanata i magistranata, promocija doktora nauka i godišnjica Univerziteta u Tuzli koje iziskuju nabavku cvijeća, buketa i cvijetnih aranžmana.

Nadalje, u obrazloženju se navodi da je zahtjev za izmjenu i dopunu Plana nabavki Univerziteta za 2022. godinu dostavljen i od dekana Ekonomskog fakulteta u kojem navodi da su Ekonomskom fakultetu odobrena budžetska sredstva za potrebe izrade Strategije razvoja turizma TK te da je neophodno dopuniti Plan nabavki Univerziteta u stavkama Ugostiteljske usluge i Usluge medija kako bi se održala panel diskusija u vezi sa navedenom strategijom.

Rektorica Univerziteta po punomoćniku je prihvatila Zahtjev i utvrdila Prijedlog Upravnom Odboru za donošenje Odluke o izmjenama Odluke o usvajanju Plana nabavki Univerziteta u Tuzli za 2022. godinu, pobliže opisane u tački I ove Odluke.

Upravni Odbor na sjednici od 30.11.2022. godine, usvojio je prijedlog i donio Odluku kao u dispozitivu.

TAČKA 4.

Razmatranje prijedloga Odluke o izmjenama Odluke o usvajanju Plana nabavki NIR-a Univerziteta u Tuzli za 2022.

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc.

Informisao je prisutne članove Upravnog odbora sa prijedlogom odluke po svakoj stavci čije se izmjene predlažu, te obrazloženjem za te promjene.

Nakon što je obavio raspravu, Upravni odbor je većinom glasova od ukupnog broja članova donio

ODLUKU

o izmjenama Odluke o usvajanju Plana nabavki NIR-ova fakulteta Univerziteta u Tuzli za 2022. godinu

I

U tački I Odluke o usvajanju Plana nabavki NIR-ova fakulteta Univerziteta u Tuzli za 2022. godinu broj: 04-954-1-6/22 od 23.02.2022. godine, broj: 04-2352-1-10.1/22 od 27.04.2022. godine, broj: 04-2730-1-5.1/22 od 27.05.2022.godine i broj: 04-6039-1-10/22 od 31.10.2022. godine u tabeli za Rudarsko-geološko-građevinski fakultet **odaju se** nabavke pod rednim brojevima **72.1, 72.2, 72.3, 76.1, 103.1, 103.2, 104.1 i 104.2** i glase

R. br	Fakultet/org. jedinica	Ekonomski kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2.	3.	4.	5.	6.	7.	8.	9.	10.
72.1	RGGF	6134	Kancelarijski materijal		2.000,00	2.000,00	Direktni sporazum	31000000-6	Projekat GEF MedProgram me CP1.1
72.3	RGGF	6134	Nabavka materijala za analizu		2.500,00	2.500,00	Direktni sporazum	42122500-5	Projekat GEF MedProgram me CP1.1

72.3	RGGF	6134	Laboratorijski materijal		3.000,00	3.000,00	Direktni sporazum	42122500-5	Projekat RIS RESTORE
76.1	RGGF	6136	Iznajmljivanje opreme za bušenje		30.000,00	30.000,00	Konkurentski zahtjev za dostavu ponuda	45520000-8	Projekat GEF MedProgramme CP1.1
103.1	RGGF	6139	Laboratorijske analize		18.000,00	18.000,00	Konkurentski zahtjev za dostavu ponuda	98390000-3	Projekat GEF MedProgramme CP1.1
103.2	RGGF	6139	Usluge bušenja i uzorkovanja	5.000,00		5.000,00	Direktni sporazum	76300000-6	Vlastiti NIR
104.1	RGGF	8213	Elektronička oprema (skener, printer, kopirapararat)		500,00	500,00	Otvoreni postupak	300000000-9	Projekat GEF MedProgramme CP1.1
104.2	RGGF	8213	Kontejner za smještaj uzoraka		10.000,00	10.000,00	Konkurentski zahtjev za dostavu ponuda	44613000-0	Projekat GEF MedProgramme CP1.1

Mijenja se iznos kod nabavki pod rednim brojem 76. i 104. i glase:

R. br	Fakultet/org. jedinica	Ekonomski kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2.	3.	4.	5.	6.	7.	8.	9.	10.
76	RGGF	6136	Zakup prostora za potrebe RGGF	2.000,00		2.000,00	Član 10. tačka e) ZJN	98390000-3	Vlastiti NIR
104	RGGF	8213	Nabavka laboratorijske opreme		91.500,00	91.500,00	IPA procedura	38000000-5	IPA projekat-R

II

U koloni 6 – Primljeni tekući transferi i koloni 7- Ukupno mijenjaju se ukupni iznosi na ekonomskog kodu 6134 u tabeli za Rudarsko-geološko-građevinski fakultet i iznose: 7.500,00 bez PDV (kolona 6) i 7.500,00 KM bez PDV (kolona 7).

U koloni 6 – Primljeni tekući transferi i koloni 7- Ukupno mijenjaju se ukupni iznosi na ekonomskog kodu 6136 u tabeli za Rudarsko-geološko-građevinski fakultet i iznose: 30.000,00 bez PDV (kolona 6) i 32.000,00 KM bez PDV (kolona 7).

U koloni 5 – Vlastiti prihodi, koloni 6 – Primljeni tekući transferi i koloni 7- Ukupno mijenjaju se ukupni iznosi na ekonomskog kodu 6139 u tabeli za Rudarsko-geološko-građevinski fakultet i iznose: 27.600,00 (kolona 5), 80.800,00 bez PDV (kolona 6) i 108.400,00 KM bez PDV (kolona 7)

U koloni 5 – Vlastiti prihodi, koloni 6 – Primljeni tekući transferi i koloni 7- Ukupno mijenjaju se ukupni iznosi tabele za Rudarsko-geološko-građevinski fakultet i iznose: 53.250,00 KM bez PDV (kolona 5), 234.800,00 bez PDV (kolona 6) i 288.050,00 KM bez PDV (kolona 7).

U koloni 5- Vlastiti prihodi, koloni 6 – Primljeni tekući transferi i koloni 7- Ukupno mijenjaju se ukupni iznosi Plana nabavki NIR-ova fakulteta Univerziteta u Tuzli za 2022. godinu i iznose: 232.550,00 KM bez PDV (kolona 5) 267.350,00 bez PDV (kolona 6) i 499.900,00 KM bez PDV (kolona 7).

III

U ostalom dijelu Odluka o usvajanju Plana nabavki NIR-ova fakulteta Univerziteta u Tuzli za 2022. godinu ostaje nepromijenjena.

Obrazloženje

Rektorica Univerziteta u Tuzli po punomoćniku, prof. dr. sc. Jasminu Suljagiću dostavila je Upravnom odboru Prijedlog Odluke o izmjenama Odluke o usvajanju Plana nabavki NIR-ova fakulteta Univerziteta u Tuzli za 2022. godinu u kojem je, u obrazloženju navedeno da je Dekan Rudarsko-geološko-građevinskog

fakulteta dostavio zahtjeve za izmjene i dopune Plana nabavki NIR-a fakulteta u kojima je navedena potreba planiranja nabavki usluga i opreme u svrhu realizacije inostranog projekta GEF MedProgramme CP1.1, zatim projekta pod nazivom RIS RESTORE u svemu prema dostavljenom prijedlogu. Obzirom da u finansijskom planu za NIR Rudarsko-geološko-građevinskog fakulteta na kontu 6136-Izmnajmljivanje opreme je raspoloživo 30.000 KM, izvršena je korekcija na stavci 76. (kolona 6) kako bi se planirao najam opreme za realizaciju inostranog projekta. Takođe u finansijskom planu za NIR rudarsko-geološko-građevinskog fakulteta na kontu 8213-Nabavka opreme je raspoloživo 102.000,00 KM te je prema obrazloženju u zahtjevu izvršena korekcija planiranog iznosa na stavci 104. i na taj način omogućilo planiranje nabavki za inostrani projekat GEF MedProgramme CP1.1.

Nadalje dekan je dostavio zahtjev za dopunu Plana nabavki za usluge bušenja i uzorkovanja koje se finansiraju iz vlastitih prihoda fakulteta a u svrhu realizacije i izrade Elaborata – istražno bušenje terena za građenje objekata industrijskih zona Brod u Brčko distriktu BiH.

Rektorica je po punomoćniku prihvatila prijedloge i predložila izmjene Odluke.

Upravni odbor je na sjednici od 30.11.2022.godine razmotrio i usvojio Prijedlog Rektorice, te cijeneći isti opravdanim odlučio kao u dispozitivu ove Odluke.

U okviru ove tačke dnevnog reda Upravni odbor je jednoglasno donio Zaključak: u buduće na sjednicu Upravnog odbora kao izvjestilac, pozvati će se dekan fakulteta sa kojeg se predlaže izmjena ili dopuna Odluke o usvajanju Plana nabavki NIR-ova fakulteta Univerziteta u Tuzli.

TAČKA 5.

Razmatranje prijedloga za izmjenu Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc.

Informisao je prisutne članove Upravnog odbora sa prijedlogom odluke te razlozima za njeno donošenje.

Razlozi za izmjenu Odluke ogledaju se u potrebi usklađivanja Odluke (član 8.stav 1), sa Ugovorom o osiguranju studenata prvog i integriranog prvog i drugog ciklusa studija Univerziteta u Tuzli od posljedica nesretnog slučaja u akademskoj 2022/23.godini.

Univerzitet u Tuzli je proveo otvoreni postupak javne nabavke za pružanje usluga kolektivnog osiguranja studenata prvog i integriranog prvog i drugog ciklusa studija od posljedica nesretnog slučaja u akademskoj 2022/23. godini u skladu sa važećim Zakonom o javnim nabavkama BiH („Službeni glasnik BiH“, broj: 39/14). U skladu sa članom 64. Zakona Univerzitet kao ugovorni organ je odredio kao kriterij za dodijelu ugovora „ekonomski najpovoljnija ponuda“, a koji uključuje,

1. Cijenu (visina premije osiguranja) 90%,

2. Rok isplate štete (rok isplate osigurane sume nakon kompletiranja potrebne dokumentacije) učešće 10%.

Samim kriterijumom Ugovorni organ je odredio da ponuđači imaju obavezu dostavljanja cijene (visine premije osiguranja) u svojim ponudama.

Izabrani prvorangiranog ponuđač „Central osiguranje“ d.d. Sarajevo ponudio je godišnji iznos premije osiguranja po studentu 3,70 KM. Nadalje, proceduralnim slijedom došlo je do zaključenja Ugovora o osiguranju studenata prvog i integriranog prvog i drugog ciklusa studija Univerziteta u Tuzli od posljedica nesretnog slučaja u akademskoj 2022/23 godini sa navedenim odabranim ponuđačem.

Fikreta Jahić, dipl. ecc. je obrazložila da nema zakonske smernje da se više uplaćena sredstva vrate studentima prilikom plaćanja participacije odnosno školarine u ljetnom semestru.

Nakon što je obavio raspravu, Upravni odbor je većinom glasova od ukupnog broja članova utvrdio prijedlog

ODLUKE

o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Član 1.

U članu 8. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/2023. godine broj: 04-3305-1-1/22 od 15.06.2022. godine i broj: 04-4799-1-2/22 od 13.09.2022. godine stav 1. mijenja se i glasi:

„Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsolvanta prilikom upisa u akademsku godinu plaća premiju osiguranja u iznosu od 3,70 KM (tri i 70/100 konvertibilnih maraka) za akademsku godinu”.

U istom članu dodaje se novi stav 2. koji glasi:

„Studentima iz stava 1. ovog člana koji su prilikom upisa u odgovarajuću godinu studija u akademskoj 2022/23. godini uplatili premiju osiguranja u iznosu od 4,00 KM, više uplaćeni iznos od 0,30 KM će se uračunati u participaciju/školarinu za ljetni semestar tekuće akademske godine“

Dosadašnji stavovi, 2, 3, 4 i 5. postaju stavovi 3,4,5 i 6.

Član 2.

Ova Odluka će se primjenjivati počev od akademske 2022/23. godine.

TAČKA 6

Razmatranje prijedloga Odluke o usaglašavanju popisa osnovnih sredstava Univerziteta u Tuzli za 2021. godine

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc. Informisao je prisutne članove Upravnog odbora da je omaškom u pisanju pogrešno pripremio prijedlog Odluke u odnosu na Zaključak Upravnog odbora broj: broj: 04-6039-1-16/22 od 02.11.2022. godine. Upravni odbor je većinom glasova od ukupnog broja članova donio

Z A K L J U Č A K

I

Prijedlog Odluke o usaglašavanju popisa osnovnih sredstava Univerziteta u Tuzli za 2021.godinu, vraća se Direktor za ekonomske poslove radi usaglašavanja teksta prijedloga Odluke sa svim navodima iz Zaključka Upravnog odbora broj: 04-6039-1-16/22 od 02.11.2022. godine.

II

Novi prijedlog odluke će se dostaviti u roku od 3 dana od dana prijema ovog Zaključka i isti će se zbog hitnosti postupanja razmotriti na posebnoj elektronskoj sjednici Upravnog odbora. Hitnost postupanja iz tačke I ovog Zaključka proizilazi iz činjenice da je predložen otpis sredstava koja su podložna napadima insekata i glodara, zbog čega bi se nakon otpisa, morala žurno uništiti.

TAČKA 7

Razmatranje prijedloga Odluke o izmjenama Odluke o cijenama usluga naučno-istraživačkog i stručno-istraživačkog rada Fakulteta za tjelesni odgoj i sport Univerziteta u Tuzli

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc. Informisao je prisutne članove Upravnog odbora da se obveznikom PDV-a postaje kada se u ostvarivanju prihoda pređe iznos od 50.000,00 KM. U odnosu na FTOS ta činjenica nije poznata, zbog čega je Upravni odbor većinom glasova od ukupnog broja članova donio

Z A K L J U Č A K

Traži se od Naučno-nastavnog vijeća Fakulteta za tjelesni odgoj i sport Univerziteta u Tuzli da kao prilog Prijedloga o izmjeni Odluke o cijenama usluga naučno-istraživačkog rada Fakulteta za tjelesni odgoj i sport broj: 02/11-6205-1.12/22 od 18.11.2022. godine, dostavi Uvjerjenje Uprave za indirektno oporezivanje, da Fakultet za tjelesni odgoj i sport Univerziteta u Tuzli nije u sistemu PDV-a.

TAČKA 8

Razmatranje Zahtjeva [REDAKCIJA] za zaštitu prava iz radnog odnosa podnesenog po punomoćniku, Advokatu Amiru Moranjkiću

Izvjestilac po ovoj tački dnevnog reda je bio Haris Delić, dipl. pravnik, viši stručni saradnik za radne odnose. Obavijestio je prisutne članove Upravnog odbora sa očitovanjem koje je dato u pisanom obliku od strane Šefa Službe za pravne, kadrovske i opšte poslove i njega, a sve u skladu sa Zaključkom Upravnog odbora. U toku odražane rasprave konstatovano je da Zahtjev treba odbiti kao neosnovan uz obrazloženje da se izjava studenata u cjelosti prihvata kao jasan i nedvosmislen dokaz, jer iste nisu međusobno protivrječne, te predstavljaju iskreno kazivanje, a da se navodi [REDAKCIJA] ne prihvataju, te se isti neće navoditi u obrazloženju.

Nakon održane rasprave, Upravni odbor je većinom glasova od ukupnog broja članova, donio

ODLUKU

Zahtjev za zaštitu prava iz radnog odnosa [REDAKTIRANO], broj: 04-5664-1/21 od 12.10.2022. godine, podnesen po punomoćniku Amiru Moranjkiju, advokatu iz Tuzle, izjavljen na mjeru Pismenog upozorenja broj: 01-4010-8/22 od 09.09.2022. godine zbog lakše povrede radne obaveze, odbija se kao neosnovan.

Obrazloženje

[REDAKTIRANO], po punomoćniku Amiru Moranjkiju, advokatu iz Tuzle, blagovremeno je podnio Upravnom odboru Univerziteta u Tuzli Zahtjev za zaštitu prava iz radnog odnosa broj: 04-5664-1/21 od 12.10.2022. godine na mjeru Pismenog upozorenja broj: 01-4010-8/22 od 09.09.2022. godine zbog lakše povrede radne obaveze.

Istu u suštini osporava sljedećim navodima:

Punomoćnik radnika u Zahtjevu za zaštitu prava najprije parafrazira navode iz dispozitiva Pismenog upozorenja te navodi da se iz sadržine razloga kojima se rukovodio donosilac da zaključiti da se odluka zasniva na pretpostavkama da je neko nešto učinio, a sam dispozitiv pobijanog rješenja vrvi od sintagmi tipa „ponašao neprimjereno“, „verbalno napao studente“, „verbalno vrijeđao studenticu“, „vrijeđao i omalovažavao studenticu“, te da za odluku nije dato logično i uvjerljivo obrazloženje niti ista sadrži elemente koji bi ukazivali na počinjenje disciplinskog prekršaja koji se imenovanom stavlja na teret.

Punomoćnik radnika dalje navodi da je Pravilnikom o radu kao i zakonom ustanovljena obaveza donosioca da se u odluci o primjeni disciplinskih mjera zbog lakše povrede radnih obaveza mora konkretizovati i objektivizirati sve učine kojima se tereti radnik, a koji potpadaju pod primjenu disciplinske mjere, kao i da svaki takav učin treba biti opisan po vremenu i mjestu te načinu, što u konkretnom nije slučaj jer se donosilac koristio sintagmama ne navodeći niti jednom jedinom riječju šta je to tačno izgovorio radnik da bi se to moglo podvesti pod nedostojno, uvredljivo ili na drugi način neprimjereno ponašanje.

Zahtjev nije osnovan.

Naime, Pismeno upozorenje radniku sadrži navode iz potpisane prijave studenata na način da su u istom citirane rečenice koje je studentima uputio [REDAKTIRANO], a koje su sastavni dio potpisane prijave studenata. U istom je navedeno i u kojem vremenskom periodu su izrečene (uz navođenje tačnog datuma ili vremenskog perioda kada su izrečene), kome od studenata su upućene, te rečenice (sa navođenjem imena i prezimena svakog pojedinačnog studenta) te je navedeno kako su te rečenice i takvo ponašanje imenovanog radnika utjecali na studente. Ono što je posebno cijenjeno prilikom izricanja Pismenog upozorenja jeste da se ne radi o anonimnoj prijavi, nego da se u konkretnom slučaju radi o prijavi koju je grupa studenata svojeručno potpisala, pod vlastitim imenom i prezimenom, prihvatajući u potpunosti odgovornost i garantujući za istinitost izrečenog.

Nadalje, punomoćnik radnika navodi da je donosilac morao obrazložiti suštinski zašto nijednu iznesenu tvrdnju radnika nije cijenio, te dati razloge za tvrdnju da su određeni dokazi vjerodostojni, a drugi nisu.

Prilikom odlučivanja o izricanju pismenog upozorenja radniku, cijenjeni su navodi iz Izjašnjenja radnika od 05.09.2022. godine, međutim u istom punomoćnik imenovanog radnika nije prezentirao bilo kakve dokaze koji bi doveli u sumnju istinitost navoda iz Prijave studenata.

Naime, u svom Izjašnjenju punomoćnik radnika osvrnuo se na nepostojanje aktivne legitimacije studenata za podnošenje prijave za pokretanje postupka za utvrđivanje odgovornosti radnika, a koji navodi punomoćnika su neosnovani, što je i navedeno u obrazloženju Pismenog upozorenja. Članom 113. stav (1) Pravilnika o radu Univerziteta u Tuzli propisano je da je neposredni rukovodilac dužan podnijeti Rektor zahtjev za pokretanje postupka za utvrđivanje odgovornosti radnika po prijemu Prijave iz člana 112. Pravilnika ili na osnovu ličnog saznanja da postoji pretpostavka da je radnik učinio lakši ili teži prijestup, odnosno lakšu ili težu povredu radnih obaveza iz ugovora o radu. U konkretnom slučaju, podnositeljica Zahtjeva za pokretanje postupka za utvrđivanje odgovornosti radnik [REDAKTIRANO] a je njegov neposredni rukovodilac – dekanica Filozofskog fakulteta koja je shodno navedenim odredbama Pravilnika o radu Univerziteta u Tuzli aktivno legitimisana za to. Ovakvi navodi punomoćnika su, kako je to i navedeno u obrazloženju paušalni i usmjereni na izbjegavanje odgovornosti radnika za povredu radne obaveze.

U svom izjašnjenju, punomoćnik radnika je naveo da bi „izjašnjavanje na navedeno bilo ispod časti bilo kome, a napose jednom uglednom profesoru Filozofskog fakulteta“, ali da bi se zadovoljila forma koju zahtijeva Pravilnik o radu, izjasnio se da je sve izneseno neistina i degutant pokušaj diskreditacije radnika [REDAKTIRANO], te je predložio da se prijava odbaci kao nedopuštena jer je podnesena od neovlaštenih osoba ili da se odbije kao neosnovana.

Kao što je vidljivo iz naprijed navedenog, punomoćnik radnika nije ponudio niti jedan dokaz koji bi doveo u sumnju navode studenata iz Prijave, a njegove tvrdnje da se radi o nagađanjima, te da je sve izneseno neistina i degutant pokušaj diskreditacije imenovanog radnika su paušalni navodi, te kako je i navedeno u obrazloženju Pismenog upozorenja, na taj način prijavljeni radnik očigledno izbjegava da se očituje o dokazu

– Prijavi studenata broj: 02/5-3943-1/22 od 13.07.2022. godine, a koji dokaz mu je dostavljen u prilogu Poziva za izjašnjenje o elementima odgovornosti od 19.07.2022. godine.

Punomoćnik radnika u Zahtjevu za zaštitu prava dovodi u pitanje i potpise 12 studenata na prijavi, postavljajući pitanje na osnovu čega donosilac Pismenog upozorenja izvodi zaključak da su potpisi na prijavi upravo potpisi tih studenata i da eventualno nisu rezultat nedozvoljenih radnji. Vezano za naprijed navedene tvrdnje punomoćnika, vrijedi napomenuti da se u konkretnom slučaju protiv imenovanog radnika vodi administrativno-pravni, a ne krivični postupak koji bi podrazumijevao provođenje dokaznog postupka na način kako je to propisano Zakonom o krivičnom postupku Federacije Bosne i Hercegovine.

Upravno odbor svojeručno potpisane izjave studenata cijeni kao jasan i nedvosmislen dokaz, jer iste nisu međusobno protivrječne, te predstavljaju iskreno kazivanje.

Navodi punomoćnika iz Zahtjeva za zaštitu prava da donosilac nije vodio računa o proteku vremena i rokovima u kojima se može voditi disciplinski postupak, te da u Pravilniku o radu nije eksplicitno propisano u kojim rokovima se započinje i okončava postupak za lakšu povredu radne dužnosti nisu osnovani budući da je članom 114. stav (1) Pravilnika o radu propisano da, „ako se prema podnesenom zahtjevu i priloženim dokazima radi o lakšem prijestupu odnosno lakšoj povredi radne obaveze iz ugovora o radu iz člana 111. Ovog Pravilnika, Rektor će pismeno upozoriti radnika u roku od 60 dana od dana saznanja za činjenicu zbog koje se daje pismeno upozorenje“.

U predmetnom slučaju, Dekanica Filozofskog fakulteta je po saznanju od prodekana za nastavu i studentska pitanja, dana 15.07.2022. godine podnijela Rektorici Univerziteta zahtjev za pokretanje postupka za utvrđivanje odgovornosti radnika [REDACTED] a istom je pismeno upozorenje izrečeno 09.09.2022. godine, dakle prije isteka 60 dana od dana saznanja za činjenicu zbog koje se daje pismeno upozorenje.

Također, vrijedi se osvrnuti i na analogiju punomoćnika radnika iz Zahtjeva za zaštitu prava koji navodi da ako se otkaz ugovora o radu kao najteža sankciju za povredu radne obaveze može dati u roku od 60 dana od dana saznanja za činjenicu zbog koje se daje otkaz, a najduže u roku od jedne godine od dana učinjene povrede, to bi se za povrede koje su stavljene na teret radniku, a koje su učinjene u junu 2021. godine i aprilu 2022. godine svakako imao primijeniti mnogo kraći rok koji ne bi mogao biti duži od 30 dana od dana učinjene povrede.

Po ocjeni Upravnog odbora, ovakvi navodi punomoćnika su paušalni i isti spadaju u domen nagađanja. Na osnovu iznesenog, odlučeno je kao u dispozitivu ove Odluke.

TAČKA 9

Razmatranje Inicijative Dekanice Akademije Dramskih umjetnosti za donošenje Pravilnika o Izmjenama i dopunama Pravilnika o usavršavanju zaposlenika

Nakon što se upoznao sa sadržajem Inicijative Dekanice, Upravni odbor je većinom glasova od ukupnog broja članova, donio

Z A K L J U Č A K

Inicijativa Dekanice Akademije dramskih umjetnosti za donošenje Pravilnika o izmjenama i dopunama Pravilnika o usavršavanju zaposlenika broj: 02/1-6259-1-1.2/22 od 07.11.2022. godine, vraća se na dopunu u smislu preciziranja odredaba Pravilnika koje bi se dopunile, sa jasnim prijedlogom teksta koji bi se kao dopuna ugradio u predmetni Pravilnik.

Sjednica je zaključena u 16 sati i 45 minuta.

ZAPISNIK SAČINIO

Ahmo Muhić, dipl.pravnik
UNIVERZITET U TUZLI
Broj: 04-6615-1/22
Tuzla, 30.11.2022.godine

PREDSJEDNIK
UPRAVNOG ODBORA

dr. sc. Semir Ahmetbegović, vanr.prof.

